

23 FEB 2002

MAHATHIR SAMBUT AIDIL ADHA DI KEDIAMAN PESURUHJAYA TINGGI M'SIA

LONDON, 23 Feb (Bernama) -- Perdana Menteri Datuk Seri Dr Mahathir Mohamad hari ini menyambut Hari Raya Aidil Adha di kediaman rasmi Pesuruhjaya Tinggi Malaysia ke Britain Datuk Halim Hashim di sini.

Kira-kira 1,000 rakyat Malaysia, kebanyakan pelajar yang ada datang dari jauh seperti Manchester menghadiri sambutan itui. Mereka kemudian mengambil kesempatan untuk bersalam dengan Perdana Menteri.

Yang turut hadir ialah kakitangan Suruhanjaya Tinggi Malaysia dan juga rakyat Malaysia yang bekerja dan menetap di sini. Dr Mahathir tiba di sini hari ini dari Argentina untuk lawatan lima hari.

Beliau dijadual menemui para penuntut Malaysia di Imperial College esok.

Perdana Menteri juga akan mengadakan pertemuan dengan rakan sejawatannya dari Britain Tony Blair di No 10 Downing Street pada Isnin.

-- BERNAMA

ZO AKT FAZ